



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXVI. Redux Barcinomem dat literis operam vt proximos iudet, Dæmon id
consilium interturbat.

urn:nbn:de:hbz:466:1-10840

uibus tutores, quæ sanctorum grauentur contemptore.

Iam fracto conatu, iuuandarum in Palestina animarum circumspice-
re Ignatius coepit, quo & modo & loco, hinc in dies ardentius flagran-
ti animo pabulum præberet. Sed obtiabat talia versanti tacita quædam
vox, nihil ei satis in eo genere processurum, nisi solide ab literis munito,
quibus prædicatio verbi Dei, & animarum procuratio fulciretur; quod
fuit principium eius viæ qua illum Deus ad Societatem postea fundan-
dam, sensim inducebat; ad hoc enim illum & legerat & sanctum effe-
cerat. Hoc instinctu Barcinonem redit vbi nec ad victimum piorum sublsidia
defutura sperbat, nec magistrorum caritatem ad doctrinam, hyems erat
perfrigida, ipse ex peregrinatione incommodè valens, & sub tunicella, te-
la simplici malè tectus, vt non crederetur per densas niues, & montes
asperos, vita incolumi Genuam peruenturus; imperare tamè sibi non
potuit, vt amicorum officiosa humanitate veteretur, nisi breui tantum ac
vili panno, quem conduplicaret labanti stomacho, ad sedandos illius
cruciatus; Nummulos vero sed hac lege aliquos admisit, vt in egentes di-
uideret. Quare Ferrariæ in templo maiori Deum orans, roganti Eleemo-
synam mendico dedit, tum aliis atque aliis minuta primum æra; Roma-
nòs deinde ad quiudecim Iulios, quæ cum alter vt fit ateri ostentaret, cir-
cumstetere mox tam multi, vt eum penitus exhaurirent. Vnde succeden-
tibus alis excusauit nihil iam aut iis, aut sibi restare. Mirum turbæ illi fa-
melicæ visum, fame ac frigore enectum, esse vsque adeo sui immemo-
rem, vt erogandi in poscentes omni pecunia nihil inde sibi reliquum fa-
ceret, & post mentem orando satiatam, victimum eius diei ostiatim roga-
ret. Hinc illum pro sancto habere, sanctum & digito monstrare, & palam
nominare. Fuit itineris residui multiplex discrimen inter Hispanum, &
Gallum militem, per loca vtriusque deprædationibus vastata. Noctes illi in
aliquo domus euersæ busto, malè ab gelu, & pluviis tecto; stipis vbi di-
repta omnia, nulla spes. Captus identidem ab excurrentibus in agros ma-
nipulis, semel etiam ab Hispanis tentus, pro exploratore creditus est ro-
garisque minaciter quis? quo? quid ageret? aut ferret? detractis ad scruti-
andum ecquid literarum occuleret vestibus, nudus plane vt erat per me-
dia tentoria ad Ducem pertrahitur. Ibat Ignatius inter publica ludibria, &
probra lætus, eaque Christo nostra olim causa ad infamem columnam
talia perpresso offerebat, cui mysterio tam viua mentem imagine defixit,
vt se quid fieret diu non aduerterit, donec tam fœdæ indignitatis patien-
tiam non ferens Dæmon, saeuo illum timore concussit; rem ultra igno-
miniam nuditatis, scilicet ituram; speculatorum credi ab hoste submis-
sum; datum iri ad diram quæstionem, vt extorqueretur, num quæ ferre
arcana vtque hinc viuis fortassis euaderet; sed neque carcerem, nec cala-
mitos vexationes vitaturum; prudenter itaque periculum bonis artibus re-
dimiceret; hominem gereret tantisper, quis esset cælare ne pergeret, vrba-
nitatibus consuetis deliniret ducem, condignis saltem titulis honestaret.
abstineretque plebeia illa tu, & tui compellatione, quam simplicitatis,

XXVI.
Redux Bare
cinem dat
liseris ope-
ram us ro-
ximos iu. et,
Demon id
consilium in-
terurbat.

probæ

probæ studio solitus erat usurpare. Verum haud fuit orationis huius tam sincerus sapor, quin priuati amoris callidissimam dialecticam Ignatio sapere: eumque, quod consequens erat, ad planè opposita moueret. Ut ergo ducis in conspectum venit, nulla reuerentia significatione, incuilem, & rusticum prætulit; interroganti paucis lentè, neglectimque respondit, inter singula cunctabundus velut ex oblinione retractanda honorarios verò titulos adhibuit nullos, nec aliud quidquam quo sui commiserationem excitaret egit; denique nihil proflus quo timori suo concederet qui discriminis contemptus illum discrimine exemit. Dux artem ignotam virtutis eximie pro imminuti capitis stoliditate dicens, militibus hominem remittit, non absque indignatione, quod stultum ab exploratore tam imperite discernerent, iubet suas illi vestes ut reddant, ac liberum amittant. Quod ab iis non prius factum est, quam os, & latera, pugnis, & calcibus tamdiu barbarè contudissent, dum à quodam ex optionibus miserante eruptus, tectoque, & cibo refectus est. Ex Hispanis clapsus paulò post incidit in Gallorum castra è regione fixa, spe præda consimilis ex inspcionibus & petulantia militum potiundæ. Nec longum à stationarijs sistitur, & rapitur ad ducem, qui ut Cantabrum agnouit, & ipse Cantaber, perbenigne lauteque habuit, ex quo præter mileriae præsentis opportunum leuamen suam illam sibi firmius sanciuit animi destinationem suas neinpe omnes habendi suspensas à Deo rationes; codémque vultu secunda & aspera excipiendi ab eadem manu, æquali amore prouidè vtraque alternaente. Inter has laborum, & solatij vices, Genuam denique, inde Barcinonem naui Hispanica delatus est, vitatis ægrè Oriæ nauibus, qui tum partes Gallerum lectabatur. Barcinone in Grammatices Magistrum & valdè humanum, & grauitum incidit, qui tunc illic publicè docebat. Ibi vir annorum triginta trium, in turba puerorum, puer esse; elementa verborum, & nominum discere, & latinitatis prima tyrocinia mereri, quod eti speciem non præfert magnificam, & grandem, sed habet ostentum singulare, ac rarum ardantis in Dei gloriam animi. Ut enim agnouit Ignatius fingi se ad Dei honorem, qui de salutis alienæ nascitur procuratione, nisi literarum adminiculo non posse; nec priuatam attendit pietatem cui tantum decrperet temporis, quantum illis erat datus sterilibus rudimentis; nec recogitauit lentes molestias annorum complurium quos esset per studia tracturus, & suo ingenio aduersa aulicis otii, armisque trito, & suo peculiari genio per se ab literis abhorrente; sed ab rudi prorsus doctrinæ omnis ignoratione, ad Theologiæ fastigium, per linguarum, humanitatis, & artium disciplinas emiti voluit; quod tantum, profectò est, vt vix dignè possit suo pretio æstimari. Et visa sagacitas Dæmonis tantò ante præfaga diuinare quod ne suspicionem quidem sui tunc facere poterat. Illa videlicet studiorum Ignatij tam macra, humiliaque initia in magnum aliquando, & æternum opus diuinæ gloriæ, hominumque salutis exitura. Manœvra quidem, tot horas diu, noctuque contemplanti, fruentique diuinis procul ab sensu commerciis, & cognitione rerum cœlestium supra hominem

minem sita , numquam tantum Dæmones inuident , vt illa eius consilia palam disturbare contenderent ; spectro solùm iocoſo veluti serpentis lucidi , mille coloribus oculati blandiri eius aspectui tentarunt ; sed animaduersa serpentis antiqui in eo imagine , nequissimam bestiam contemptim baculo abegit . Nunc verò ab descendis literis auersuri , tam cæca fraude grassati sunt , tamque omnis doli ab artificio probè in speciem secura , vt ad eam tandem aliquanti sper offenderet . Nam ad scholæ ingressum , velut recludente fe desuper toto cœlo exundare obortis gaudijs , & causam gaudendi nescire ; piis diffluere sensibus , in notitiam admirandarum rerum tam sublimem rapi , vt schola de cœtero , & libti , & studia sorderent ; totus in læta suspiria , in fletus , in amoris diuini affectus ire , dum illud amo amas terit , cuius deinceps modos , & tempora discere frustra erat . In turba demum puerorum molestâ , & strepera , nihilo rariūs , cœlum incolere quām olim in specu Manresana ; & has inter animi voluptates dies & hebdomadas iucundè ducere , post hæc re nulla quām antea doctior ; tanti est Deo sociam operam in conuersionem animarum dare , vt earum ardenter salute , Theologiæ mysticæ studiis , ab Grammaticis impedire , dæmones contendant quòd illa in pias circumscribantur dulcedines ; hæc ad plurimorum æternam salutem , & Dei æternam gloriam in usus æternos porriganter . Erat Ignatio proclive de hac à susceptis aberratione probè colatora ; interpretari Deo cordi esse , contemplationi attenderet , sciendi curam omitteret ; & adhærere hic dolus facile potuit homini seipsum plus æquo amanti , ludosque Dæmonis pro diuino afflatu eō quòd placeant , libenter audiensi . Ignatium ex vna Dei optimi gloria , sūa omnia metiri solitus , non diu fraus latuit , eaque vehementer confusus , præceptorem adit , & in ædem S. Mariæ ad mare perducto , aduolutus ad genua , petit negligentiæ præterita veniam , eius causam ingenuè explicat . Cœterum voto ad prosequenda studia se sanctè obligat , applicandūque ad illa serio laborem ; rogat denique quotidiana scholæ pensa æquè ab se , vti à pueris seuerè , & si quā re minus faceret satis , pœnas etiam publicas périnde ut ab illis reposci . Mirum dictu , emendata in hunc modum fallacia , omnis ille delitiarum cœlestium , & peregrinorum luminum violentus , & rapax apparatus evanuit : & si quando pietas aruisset , consolabatur eam spe solidiori , prouentus animarum doctrina studia fecuturi . Qua item cogitatione multò post , iamque Societatis patens illorum mulcebat fastidia quibus propterea minus literæ sapiebant , quòd in iis vbertatem illam liquidissimarum voluptatum minimè sentirent , quam experti alias fuerant . Monebat repererent animo , patientiam illam , abiectionem sui , obedientiam quibus mentis ariditas materiam suggestit , alium habere saporem ab illo trivialis , qui ex teneritate affectuum interdum percipitur . Illos præterea , qui sunt in ordinem conscripti fine planè diuino , in vera mortalium bona , literarum studia conferentem , nulla tangi debere iactura consolationis , quam præparatio animi , & armorum ad nobiliora ministeria abundè pensaret . Quod

I Ignatij

Ignatij præceptum egregia eius expressum Epistola, in manus meas cum venisset, placuit latine ex Hispanico redditum, posteris consignare. [Quod nostri scholares, inquietabat, pios illos quos vellent affectus non sentiant, nihil mirum, illos enim qui potest, quibus, & quando conuenit, dispensat: & credibile est tempore studiorum, quibus solet non parum spiritus affligi, sensus eiusmodi diuinorum prouide à Deo inhiberi, et si enim mentem suauiter pascunt, sed corpus emaciant valdeque atterunt. Ad hæc occupatus scientiæ animus, exsugit, & siccat voluntatis motus, sunt tamen studia si pure suscipiuntur in Dei obsequium, optima pietatis exercitamenta, & ubi virtutis integrum constet firmamentum, orandi spatum obseruetur constitutionibus definitum, adsint vel non, interiora solertia nihil admodum refert, nec inde magnopere dolendum, sed quod annuerit Deus dare, æquo gratoque animo accipendum est, semperque illa præcipue curanda quorum est momentum grauius, tolerantia, contemptus sui, parendi amor, & charitas] sic ille.

XXVII.

*Virtutes
Ignatij Bar-
cinone.*

Consueta interim vitæ asperitas, & quoad liceret visitata precandi tempora studijs iungebantur, & quamvis Ioannes Pæqualius apud quem angusto sub tegulis in cubiculo manebat victimum quoque ab se vellet accipere, maluit tamen iens, & rediens e schola, frustum illud quotidiani panis corrrogare, quo solo alebatur; (Potum enim dabant limpidæ aquæ siphis) quam vii hospitis liberalitate: mendicanti vero si quid iusto amplius obueniret, selectis sibi deterioribus id omne particebatur in pauperes; ex quo factum ut notæ illius virtuti, copiosæ conferrentur eleemosynæ, quas statim egentibus tribuebat à quibus semper obsidebantur fores, ipseque ab illis duplo egentior, prouisor, & pater vocabatur, & re vera illos prosequebatur incredibili amore, ministrabatque illorum inopia tanquam Christo in iis latenti. Vnde Agneti Pascaliæ aliquando carpenti, quod ipse pauperior, & calamitosior cæteris; largiretur iis tamen quicquid meliusculam accepisset; tu vero ait quid egeris, si petierit abs te Christus: an sustinueris illi dare quod vilissimum est, & non potius quod lectissimum est dederis? Repetit quoque interceptas morbis, & doloribus stomachi, suimet afflictiones, humi somnos, cilicia, verbena aliaque, sed dissimulanter, nam & saccum, & catenam abiecit; & calceis pedes, ac tolerantiam contingentibus detrahit soleas; precatio suas septem horas retinuit, magnam partem ereptas nocturnæ quieti. Nec raro contigit, ut obseruaretur curiosus ab Ioanne Pascilio benignæ ipsius hospitæ filio, tunc admodum iuuenie, rescire cupido quid noctu agitaret videbat. Hominem defixis parumper in cœlum oculis precandi initium facere, nunc passis in crucem brachis; nunc toto prostratum corpore, interdum similem adoranti, post verò in genua, statuæ in modum velut extra se perstare immobilem, donec ore accendi, & totus ardere videretur, simulque in dulces libertim lacrimas dissolui. Videbat etiam frequenter (& sunt hæc concepta narrantium verba) immensum ex eo splendorem cubiculum implere, sensimque ut erat